

故宮週刊

題

易培基

宋鈞窯花盆及盆



本院理事黃膺白先生



清宮史訓諭選錄(續)

雍正九年八月初九日、上諭近來爾太監等、私下相聚、未嘗不圖歡笑、及見主上時、便似拘束太苦、全無和顏悅色、若以此為恭敬、甚屬錯謬、爾等嚴傳以後若是不改、定將有心如此者、處分幾人、令眾人各知改悔、

雍正十三年八月二十五日、上諭爾等敬聽朕之諭旨皇考大事、朕五

內崩摧、所仰侍者、惟皇太后、著傳諭侍奉太監女子、及內外一切

太監等、各處執事之人、盡心竭力侍奉、務要皇太后寬心、此即是

爾等出力之處、凡國家政事、關係重大、不許開風妄行傳說、恐皇

太后聞之心煩、皇太后仁慈撫愛朕躬、聖心切至、凡有所知、母子

之間、豈有不告之理、但朕與諸王大臣所辦政務、外人何由而知、


其應奏聞母后者、早已奏聞矣、宮禁之中、凡有外言、不過太監等

得之市井傳聞、多有舛誤、設或妄傳至皇太后前、向朕說知其事、如合皇考之心、朕自然遵行 若少有違、關係甚鉅、重勞皇太后

聖心、於事無益、爾等嚴行傳諭、嗣後凡外間閒話、無故向內廷傳說者、即為背法之人、終難逃朕之覺察、或查出、或犯出、定行

正法、陳福張保係派出侍奉皇太后之人、乃其專責、并令知之、

宋哥窰橄欖瓶



清乾隆銅胎珐瑯器

(接閱第二版)

本刊特別啟事

凡本市城內訂閱或送閱各戶、均交由本院出版發售室按期派役專送、如有遺誤摺汗、(以中縫一摺為原則不令多疊本市以外由郵寄者不在此例) 請逕電本院發售室、(東局一六〇九)或函知本院秘書處查究、注意為幸、

宋蘇軾次韻秦太虛詩帖 (宋四家墨寶之一)



雍正十三年十月十一日、上諭諭內務府總管太監等、尊卑有一定之體統、上下有不易之禮儀、自宜循分遵行、豈容稍有僭越、太監等乃鄉野愚民、至微賤、得入宮闈、叨賜品秩、已屬非分隆恩、况朕八旗滿漢舊人甚多、豈盡得如太監等日親天顏、出入內廷乎、爾等當自揣分量、敬謹小心、常懷畏懼、庶幾永受皇恩、得免罪戾、凡諸王大臣、皆國家屏藩輔弼之人、爾等尋常接見、自應恭謹盡禮、豈得與奉旨宣諭時、一樣舉止乎、至內廷阿哥等、我朝舊制、無論王公大臣、俱行跪見請安之禮、惟有親伯叔行、乃免跪見、至尊重也、何況爾等微末太監、謬云、一歲主、百歲奴、上下之分秩然、豈得以阿哥等年尚冲幼、遂爾忘恩耶、即如蘇培盛、乃一愚昧無知人耳、得蒙皇考加恩、授為宮殿監督領侍、賞賜四品官職、非分已極、乃伊不知惶愧感恩、竟敢肆行狂妄、向日於朕兄弟前、或半節請安、或執手問詢、甚至莊親王并坐接談、毫無禮節、莊親王總管內務府事務、凡內廷大小太監、均屬統轄、而蘇培盛即目無內務府、獨不思莊親王乃聖祖仁皇帝之子、大行皇帝之弟乎、昔者寒思黑之子弘晷、(接第三版)

(詳未傳小) 石 竹 端 汝 章 明



韓祐、石城人、紹興畫院祇候、善寫生小景、師林椿花鳥草蟲、




宋韓祐 螽斯綿跽 (無款原標簽題)

明董其昌行書扇

(小傳前詳)



明吳令山水扇



吳令、字信之、號宜遠、又號幻瀾、吳人、工花卉禽鳥山水、絕似元人、

此四人者、較之蘇培盛、張爾素、何雷天淵、今朕紹登大寶、恐太監之風漸熾、故降旨訓諭、想蘇培盛等、此時必心懷憂懼、與其憂懼於今日、何不敬謹於當時、朕今即將蘇培盛問以不敬之律、未為不可、即授之於理、亦未為過當、然朕君臨天下、惟以大公正為心、因念蘇培盛之偶爾失儀、尚屬糊塗可赦之罪、未至漢唐宋明宦寺之放縱也、

元皇慶勤有堂刊本集千家註分類杜詩之一頁



清玉質表章經史之寶



呼魏珠為伯父、皇考曾嚴切教訓、此風不可長也、前朕與和親王等、在九洲清晏瞻禮時、值蘇培盛等在彼飲饌、伊等不但不行迴避、且復延坐共食、而阿哥等亦有貪其口腹、與之同餐者、朕躬後至、稍坐而出、嗣是朕即不復在九洲清晏用飯、夫阿哥等固一時失於檢點、而蘇培盛狂妄驕恣、公然與皇子等並坐而食、似此種種悖亂、不可枚舉、此皆朕躬所親見者也、再張爾素從前亦甚驕縱、及獲罪革退之後、見朕弟兄、猶敢竟行執手問詢、不法如前、此二人之行止、如皇考察知、自必早行懲治、決不姑容也、至如張起麟、乃效力最久之人、年已老邁、見朕弟兄、猶必長跪請安、不敢怠忽、或我輩賜坐、伊必叩頭席地而坐、此宮中太監所共見者、至今思之、殊可憫念、陳福、李英、暨王常貴、張玉柱、向曾屢奉皇考訓旨、傳諭朕躬及和親王等、設有嚴飭教訓旨意、必皆正顏厲色、告誡周詳、毫無瞻顧之私、甚合大體、及至尋常進見、則復敬謹小心、周旋盡禮、設伊等彼時傳宣諭旨、而稍有曲意迎合、不顧體統之處、朕必鄙薄而問其罪、台復肯加恩任用乎、蓋傳旨有傳旨之體統、而自見有自見之體統、

(未完)

清耶世寧十駿犬之班錦彪 (小傳詳前)



別部司馬印之八



鼻紐

別部司馬印之六



鼻紐

別部司馬印之九



鼻紐

別部司馬印之七



鼻紐

射陽先生存稿選(續)

贈裴鶴洲晉列卿兼逢初度歌

海上僊人青鳳裘、翩然駕鶴來瀛洲、長安雪後瑞雲暖、笑對梅花似玉甌、主人本是瀛洲客、曾向金門馳獻策、文苑高舉錦繡花、武夷又得煙霞宅、臺柏蒼蒼選報好音、南溟龍鼎上天津、御香袖惹蟠頭近、法從冠崇嶺角新、西巡三晉東齊魯、攬轡風清掃豺虎、萬鈞神鼎孰能搖、五色華蟲我親補、十年監察敢辭勞、喜見雲鵬懷意袍、廷尉班行卿月麗、貫城垣城法星高、賀賓總是臯夔伍、况復華筵值初度、逸思唯應野鶴知、長年不假真僊助、公身望重廟堂寶、千尺長松少附枝、日月彌堅冰雪操、煙霜不改歲寒姿、輪囷豈比樸題具、天府明堂要梁柱、共慶朝家得大材、事誇匠石成奇遇、仍開膏液結靈根、紫霧金光晝夜屯、采之以用煥大藥、服食不老同乾坤、公今豈獨吾邦秀、福德人稱世希有、擊臆信口當謳歌、載侑南山一杯酒、南山佳氣燭三台、指日調元壽域開、平待功成娛綠野、僊人駕鶴再來來、

雜言贈馮南淮比部謫茂

名

飲安殿復面



君不見驪驪駢煙雲、舞轉出門遺一蹶、龍沙影志千里、一噴生風汗成血、夫容玉花之寶刀、流落豐城比凡鐵、忽然一日長光價、照胆吹毛動煙雪、男兒通塞事有常、層冰之後生春陽、布衣唾手可公相、况君萬是向

書郎、昨日尚書郎、今日投炎蒸、黃金鍊衆口、白玉生青蠅、擢歷校杆古所歎、至今誰復卑顏曾、行矣邇南淮、毋卑茂名爵、領南雖云遠、中有佳山水、一命仍寄曠蕩恩、殊方實是同翔地、且聞之韓子來湖陽、儋耳蘇長公、文章狎魚鳥、君子爲沙虫、金蓮歸院未爲晚、京華玉佩依舊搖玲瓏、夜郎幾許醉太白、沉香又見嘲春風、我有翡翠卮、滿酌金華春、狂歌送遊子、醉語驚行人、北望長安動長嘯、鳳城樓閣橫秋旻、長安樓閣五雲齊、斗轉觚稜抱紫霓、應見一封裁五色、爲君明日下金鷄

慰友人

嗟君愛名如愛兒、經營舉業心孜孜、秋燈破曉嚙饑鼠、仰屋背書吟且思、上天茫茫無曲私、不爲一夫行四時、功名富貴自有命、必欲得之無乃癡、君不見凍馬凌波飲流漸、忽然紅蘼堆青枝、碧空瞥見雁排字、綠樹已無鶯費詞、歲華推移如奕棋、今我不樂將何爲、眉間未解翠雙鎖、鬢上安能無一絲、贈君奇方君聽之、問取君家金屈卮、

(未完)

故宮博物院前後五年經過記(續)

栗亭

第十六條 各組進屋勤務、無論已畢未畢、出屋時每次必須加以封鎖、由本組會同軍警簽字、或作別種符號於上、點查未完之箱櫃亦照此辦理、

第十七條 本會每日應將點查情形、編出報告公布之、

第十八條 本規則遇有必須修改時、應由委員會開會行之、

先是易寅鄭先生既任攝閣教長、嘗與余閒談及清室久居宮禁事、余曰、此兩不宜之道也、前政府各當局者、皆與清室多少有關、是以久懸不決、而清室旨味復不自省、實則一方既非所以愛之之道、一方復不知自愛、今茲宜亟籌解決之策矣、先生曰然、其時余尚爲局外人、蓋不知石曾先生已有定計、而寅鄭先生必亦早知之也、未兩日而事發、其翌日、余又見易先生、謂余曰、昨日之事當乎、目下善後之事正多、擬集合各方人士合作、君亦於此中得一工作何如、余曰甚願、曰、辦理清室善後委員會

崇敬殿寶座



中有各部遣派助理員之規定、君在內務部、告部中得一助理員來盡此義務可也、余曰否、會中如有其他名義則任之、不願得部派員也、曰、然則得一會中顧問何如、乃允之、蓋其時余已通知他日部與會間、或有衝突之點、而清室之事、在部原不屬所掌、初不欲受其牽掣耳、及委員會第一次會議之前一日、(即二十一日、星期六)又於東安市場遇易先

生、以委員會已聘余爲顧問見告、並言明晨十時左右當親持公函相訪、囑在宅相候、余曰諾、遂別歸、已上鏡矣、家中謂部中連電有要事、請明日上午九時到部、王次長亦到部也、頗以爲異、蓋星期例不辦公、日尋常辦公時間必在下午、其爲緊急事無疑、余所掌有非常警察、及地方治安、故凡有政變與地方治安有關係時、則方有緊急之事、此時段政府方成立、當不至有劇變、則其事殊不可測、急電司訊問、則司中已無人、電文書科則言適電爲方科長來部所傳、不知何事、時文書科長爲方君攝、因再電詢則不在宅、直至翌晨、始由方君電告、謂清室善後委員會議決點查宮物品、定明日實行、執政府有令制止、此事屬於非常警察、故奉次長命召君來也、余乃倉卒往、知易先生且來、不得不留書約略告其事、到部、則王次長耕木已相候矣、見面即出示執政府秘書廳公函如左、

(未完)